

➤ Kush nuk mund të udhëtoj në zonën Shengen?

X Persona që figurojnë në listat e personave që përbëjnë kërcënim për rendin, shëndetin publik apo sigurinë e brendshme.

X Persona ndaj të cilëve është dhënë masa ndalim hyrje qoftë edhe në një nga vendet e zonës Shengen, apo kanë qenë subjekt i një urdhër largimi, largimi me forcë (kthimi apo dëbimi), që kryesisht zbatohen për raste të qëndrimit të paligjshëm.

➤ A mund të më refuzohet hyrja në shtetet e zonës Shengen?

Policia kufitare e shtetit Shengen ka të drejtë t'i mohojë hyrjen çdo qytetari në rast se:

X Nuk ka pasaportë me vlefshmëri të mjaftueshme (minimumi 3 muaj pas periudhës së planifikuar të kthimit nga zona Shengen);

X Paraqet dokumente të falsifikuara;

X Nuk posedon dokumente që dëshmojnë qëllimin e udhëtimit;

X Nuk paraqet dëshmi se ka mjete të mjaftueshme financiare për të mbuluar shpenzimet e qëndrimit;

X Ka tejkaluar 90 ditë qëndrimi në periudhën 180 ditore;

X Paraqet rezik për sigurinë publike, shëndetin publik apo marrëdhëniet ndërkombëtare për një apo më shumë shtete të Shengenit;

X Kur ka të dhëna se personi është përfshirë në aktivitete kriminale apo dëshmi të qarta se ka për qëllim një gjë të tillë.

➤ A nënkupton liberalizimi punësim në shtetet e zonës Shengen?

Jo! Liberalizimi i vizave nëasnë rast nuk nënkupton mundësi punësimi në shtetet e zonës Shengen.

➤ A do të më duhet të aplikoj përvizë studentore nëse planifikoj të udhëtoj në zonën Shengen për studime?

Po, ju duhet të aplikoni përvizë studentore në rast se keni ndërmend të kryeni studime që i kalojnë 90 ditë qëndrimi në zonën Shengen brenda një periudhe prej 180 ditësh. Për studime duhet të aplikoni përvizë studimore derisa dokumentet e nevojshme dhe rregullat ndryshojnë nga vendi në vend. Prandaj rekomandohet që të konsultoheni me ambasadën ose konsullatën e vendit në të cilin planifikoni të filloni studimet.

➤ Me rëndësi:

Hyrja pa vizë në Bashkimin Evropian nuk është e garantuar. Hyrja mund te refuzohet nga policia kufitare në rast se nuk keni pasaportë valide me afat të mjaftueshëm, nuk keni dokumente që dëshmojnë qëllimin e udhëtimit dhe dëshmi se keni mjete të mjaftueshme financiare për qëndrimin e planifikuar në zonën Shengen, apo në të kaluarën keni tejkaluar 90 ditë qëndrimi në periudhën 180 ditore.

Për më shumë informata viziton:
<https://integrimievropian.rks-gov.net>

#PaViza



Republika e Kosovës
Republika Kosova – Republic of Kosovo
Qeveria – Vlada – Government

Liberalizimi i vizave për Kosovën



► Kur mund të udhëtoj pa vizë?

1 janar 2024

► Sa ditë mund të qëndroj në zonën Shengen?

Udhëtimi pa vizë ju mundëson qëndrime afatshkura deri në 90 ditë brenda periudhës prej 180 ditësh (çdo gjashtë muaj).

► Si llogaritet periudha 90 ditë brenda periudhës prej 180 ditësh?

Periudha 90 ditë fillon që nga momenti kur ju hyni për herë të parë në zonën Shengen. Për shembull, nëse më datë 1 janar 2024 ju hyni për herë të parë në zonën Shengen, periudha e ardhshme gjashtë mujore fillon pas 180 ditësh ose më saktë me 29 qershor 2024. Pra, brenda këtyre 180 ditëve ju mund të qëndroni në zonën Shengen vetëm deri në 90 ditë. Nëse udhëtoni shpesh në zonën Shengen, duhet të numëroni ditët e mbetur nga periudha e fundit gjashtë mujore.

► Çfarë dokumente duhet të marr me vete?

- ✓ Pasaportë biometrike (e vlefshme për të paktën tre muaj pas datës së largimit nga zona Shengen);
- ✓ Dëshmi mbi qëllimin e udhëtitimit në zonën Shengen;
- ✓ Dëshmi mbi qëndrimin si rezervimi i hotelit apo detajet e vendit ku do të qëndroni;
- ✓ Detajet e udhëtitimit, duke përfshirë rezervimin e biletës kthyese;
- ✓ Nëse udhëtohet me veturë, dokumentacionin e nevojshëm të veturës;
- ✓ Dëshmi se keni mjete të mjaftueshme financiare.

► A mund të udhëtoj për arsyе shëndetësore?

Kur arsyetohet juve ju mundësohet udhëtimi në zonën Shengen për trajtime shëndetësore. Ky udhëtim duhet të jetë brenda periudhës maksimale prej 90 ditëve. Varësisht nga shteti që vizitohet juve mund t'ju kërkohen dokumente të ndryshme si pjesë e verifikimit të kushteve për qëndrimin tuaj. Për shembull, juve mund t'ju kërkohet dëshmi nga institucioni shëndetësor pritës si dëshmi për trajtimin shëndetësor të planifikuar apo ftesa për analizat mjekësore. Gjithnjë të keni kujdes që trajtimi shëndetësor duhet të përfundoj brenda periudhës 90 ditore. Nëse trajtimi do të zgjas më shumë se 90 ditë, atëherë duhet të siguron vizen përkatëse përmes ambasadës përgjegjëse.

► Çfarë pasoja mund të keni në rast të shkeljeve eventuale?

Në rast të shkeljeve eventuale dhe abuzimit të udhëtitimit pa vizë, pasojet personale përfshijnë: shqiptimin e gjobës financiare, shënim zyrtar në pasaportën dhe dosjen tuaj ku figuron shkelja në sistemin Shengen si dhe ndalimi i hyrjes së zonën Shengen deri në 5 vite.

